



فهرست شرح اصول العشرة

صحيحة

- ١ قوله الطريق الى الله بعد دافاس الخلايق
- ١١ وطريقنا الذي نشرع في شرحه اقرب الطرق الى الله
- ١١ طريق ارباب المعاملات
- ١٢ طريق الاخبار
- ١٣ طريق اصحاب المجاهدات والرياضات في تبديل الاخلاق
- ١٤ طريق الابرار
- ١٥ سبب ملاقات ابراهيم الخواص قدس سره للخضر عليه السلام
- ١٥ من الاعمال الخالصة بر الوالدين
- ١٦ لزوم جبر متوسط عند الاكابر
- ١٨ طريق السائرين الى الله وهو طريق الشطار
- ٢٠ فهذا الطريق المختار مبني على الموت بالا راده
- ٢١ موت اجر موت ايض موت اخضر موت اسود
- ٢٢ طريق السائرين محصورة في عشرة اصول
- ٢٣ الاصل الاول التوبة
- ٢٦ فالواجب على الطالب الخروج عن كل مطلوب سواه
- ٠٠ حتى الوجود
- ٢٧ الاصل الثاني الزهد في الدنيا
- ٢٨ ترك الجماع لبس من الزهد بعد الكمال

٢٩	حقيقة الزهد
٣١	الاصل الثالث التوكل
٣٤	الاصل الرابع القناعة
٣٦	مطلب الفرق بين الاسراف والتبذير
٣٧	فوائد اربعينيات
٣٨	الاصل الخامس العزلة
٤٣	واصل العزلة عزل الحواس بالخلوة
٤٥	فبالخلوة وعزل الحواس ينقطع مدد النفس
٤٦	الطبيب يأمر في معالجة المريض اولاً بالاحتماء مما يضره
٤٨	ثم يعالجه بالمسهل
٥٠	فالمسهل بعد الاحتماء وتنقية المواد الذكر الدائم
٥١	الاصل السادس ملازمة الذكر وهو خروج
٥٣	مطلب تأثير ذكر جهرى
٥٣	فاما نسبة مسهلية الى الذكر وهو كلمة لا اله الا الله
٥٤	بيان فضائل كلمة توحيد
٦٢	الاصل السابع التوجه الى الله تعالى بكلية وجوده
٦٣	ولو عرض عليه جميع المقامات لا يلتفت اليها بالاعراض
...	لحظة
٦٥	تحقيقات الشارح في اسم هو
٦٦	الاصل الثامن الصبر
٦٧	منها الثبات والاستقامة

- ٦٨ قوله عليه السلام ان استقامة امتي الحديث
- ٦٩ الاصل التاسع المراقبة وهي الخروج عن حوله وقوته
- ٧٠ معنى قوله عليه السلام ان في ايام دهركم نفحات الحديث
- ٧٢ ومن المراقبة الشوق ومعناه حال يزيد بالوصال للمحجوب
- ٧٣ ومنها الحنين وهو حال يحصل به كذلك
- ٧٣ ومنها الاستعانة والاستغاثة ومعناها هما
- ٧٥ معنى قول بعض المحققين الفاني لا يرد الى اوصافه
- ٧٥ طريق العشق والجدبة
- ٧٦ حال الابرار
- ٧٨ معنى قول ابي سعيد الخراز قدس سره حسنة الابرار
- ٠٠ سننات المقر بين
- ٧٩ الاصل العاشر الرضاء وهو الخروج عن رضاء نفسه
- ٨١ تسليم حضرت ابراهيم واسماعيل عليهما السلام
- ٨٢ تفسير قوله تعالى او من كان ميتا فاحييناه الاية
- ٨٣ فراست عقليه وفراست كشفية وفراست طبيعیه
- ٨٦ مرتبة ايمان مرتبة احسان وولاية مرتبة نبوت
- ٠٠ مرتبة رسالت
- ٨٦ تحميد الشارح المحقق النحيري تيسيره تعالى تكميل
- ٠٠ هذا الشرح اللطيف المنير





### شرح الاصول العشرة

\* \* ( بسم الله الرحمن الرحيم ) \* \*

الحمد لله الذي وضع الاصول لتأسس بناء الاصول والصلاة والسلام على حضرة الرسول الذي هو مفتاح كل مسؤل وعلى آله واصحابه المبشرة لاسمى العشرة ( اما بعد ) فهذا شرح الاصول العشرة المنسوبة الى الشيخ العالم العارف المشتهر بابي الجناب بحم الدين الكبرى قدس سره وعم به التمس منى بعض الاححاب ان اوضحها باللسان التركى الجلى ليكون الى فهم الكلام الجنبى الالى فاجبته رجاء للوصول من طريق الاصول والله الميسر الامال وما يقضى اليها من صالحات الاعمال وهو المولى المولى فى البداية والنهاية والمولى المتولى للارشاد والهداية ( قوله ) الطريق الى الله بعدد انفاس الخلايق \* معلوم اوله كه يومقاله كلمات شهيرة من يتخذ نذره معانى لطيفة من شتمدر او كبسى بودر كه

الله تعالى به موصل اولان اصناف خلا ثقتك نفسری  
 عد دنجہ در نفس فانك فتحيله فم وانفدن داخل وخارج  
 اولان ریحدر که یکرمی دزت سا عتده یکرمی درت بیک  
 نفسدر پس هر کسک عمری آخرته دک اولان نفسلرک  
 عد دنجہ حقه کیدر بولی واز در زیر اهر نفس حقه بر بوالدر که  
 سالک حق اولان کیمسه هر نفسده بر یول آور این سبیل  
 هر خطوه ده یعنی هر آمده بر یول الدیغی کبی یعنی کرچه  
 یول بر واکن هر آدم اول یولک نهایتنه ایصاله وسیله اولغله  
 کویا هر آمده بر یول المش اولور و بورادن دیمشدر که  
 هر کس نفسی وساعتنی محافظه ایتمک کر کدر زیر نفس  
 وساعت ضایع اولیجق کون دخی ضایع اولور و کونک  
 ضیا عیله هفته وانکله شهر و شهر ایله سنه و سنه ایله تمام  
 عمر ضایع اولور انکچون انفا سی محافظه لازمدر و حکیم  
 سنایی دیمشدر که (سافیان دردی دو عید کنند) عنکبوتان  
 مکس قدید کنند) یعنی صوفی حقیقی که ذوق حقندن ذائق  
 ونفس رجحانی به لایق اوله هر بر نفسده ایکی عید ایدر  
 یعنی داخل اولان نفسده بر عید وخارج اولان نفسده دخی  
 بر عید ایدر که فی الحقیقه بر نفس عد او نور اگرچه عیدی  
 ایکیدر که دخول و خروج اعتبار ایله در و عیددن مراد  
 سیر جمال ایله سرور و ذوق و جمال ایله جهور در اشته  
 عاشقار بو ایکی عیدی ایتدیکری وقتده عنکبوتلر یعنی

اور محکرم سکک قدید ایدر لر یعنی زا هد لر بیرامه ایرمک  
 ندر بیلز لر بلکه قربان بیرا منده خلق لحم قربانه مشغول  
 اولدق لری کبی انلردخی اعماله سعی ایدر لر تا که اکل لحم جنت  
 ایدر لر ونعیم اخرت ایله متنع اولالرمع هذارؤیت جمال الهی  
 نعیم جنتک فوقنده درولکن من لم ینق لم یعرف موجبجه  
 اغزینک دا دینی بلیان آدمه نه دیملودر (سؤال اولنورسه)  
 اضاعت انفاس ایتیموب هر نفسده عید ایتکه امکان  
 اولورمی (جواب بودر که) اولور زیرا رسول الله صلی الله  
 علیه وسلم بیور مشلردر که (صنف من اهل الجنة لایستتر  
 الرب عنهم) یعنی اهل جنتدن برطائفه واردر که الله تعالی  
 انلردن هیچ برنفسده محتجب اولماز بلکه انلرحقه نظر دائمه  
 ناظر لردر وینه حدیثده کلور که (واسأ لك لذة النظر  
 الى وجهك الكريم ابدأ دائماً سرمداً) یعنی بوراده نظری  
 تأیید ایله قید ایتدو کندن ظاهر اولور که انبیاء علیهم السلام  
 واکمل اولیا قدس الله اسرارهم که انلره مقر بلر وصدیقار  
 دیرلر انلردا ائمالذت نظر ایله متلذذ لردر زیرا انلرقاب قوسین  
 مرتبه سنده جمع و فرق و سکر و صحوی جمع ایتشلردر  
 پس هر حالده مشاهد لردر کر کسه صور مختلفه واحوال  
 متنوعه ده اولسون زیرا مقصود اولان تجلی مطلقدر  
 یو خسه خصوص ماده دکل شول جهندنکه تجلی حق  
 عموم و شمول اوزرینه در فافهم جدا الحاصل انسانده

اولقدر استعداد وارد در که قالبی خلق ایله و قلبی استغراق  
 شهود ده اولمق ممکندر و بومقامنددر که عارفک نفسی  
 تسبیح و منامی عبادتدر یعنی عارف ایچون غفلت یوقدر  
 بلکه یقظه و منامده بیدار در نتکیم غیریلر ایچون یقظه  
 یوقدر بلکه خواب و بیداریده ناملر در نتکیم بطریق  
 الاشاره قرآنده کلور\* و من آیاته منامکم باللیل والنهار  
 و حدیثده کلور (الناس نیام فاذا ماتوا اتبهاوا و تیقفوا) اشته  
 بونلرعوام ناسدر که حقه طریق عامدن بدایت مطلقه  
 ایله کیدر لر یوخسه طریق خاصدن هدایت مقیده ایله  
 کتمزلر که مطلوب اصلی بودر فاعرف جدا (وایکنجیبسی  
 بودر که) اسماء الهیه دن هر بر اسمک عبیدی وارد در که  
 اول اسم انک مر یبسی در اگر چه مسمی بر در پس جهاتک  
 اختلافدن مسمانک اختلاف فی لازم کلز بلکه هر اسمک  
 محکومی اولان عبدکندی اسمک جهتندن طوغری حقه  
 کیدر یا بانه کتمز زیر ابوراده یا بان یوقدر شول وجهدن که  
 سلوک دید کلری معنی دوریدر یوخسه خطی دکلددر  
 یعنی هر کس دونه دونه اخر و الیه ترجعون موجبجه حقه  
 رجوع ایدر وانی ارزو لیوب کیدر واکا واصل اولور  
 شول دائره نک اولی اخر نه ملتقی اولدیغی کبی نظر ایله که  
 اول دائره نک هر کزنده اولان نقطه اول دائره نک اطرافنه  
 سراپا ناظر در و هر طرف دخی اکا دائره در نتکیم حضرت

كعبه نك شرفها الله تعالى چوره سنده اولان قبه لك  
 ججع اطرافدن كعبه يه نظرى برابرر اشته بودر كه بعض  
 عرفا ديمشدرر كعبتلك چوره سى يك جهتين) عكس  
 دوشمشدرر اكاست جهات) يعنى كعبتين كه شش خانه  
 بر عظمدرر كه خانه زنده نفاضة مختلفه سى وادر التى نقطه  
 وضع اولنان خانه بر نقطه وضع اولنان خانه يه كمشدرر ايمدى  
 بوسر الهى ونقش غرييدرر كه عالم آفاقد دخی جاريدرر زيرا  
 جهات سنك مخلوقاتى اسمای مختلفه يه و بونلر دخی  
 مسمای واحده ناظر ل و اول ذات احديه يه محاذيلدرر  
 پس هيچ نقطه صور يه و حقيقه دن منحرف اولمش يوقدر  
 و بومقامه اشارت ايجون حضرت هود عليه السلام لساندن  
 بطريق الحكايه قرآنده كلور \* مامن دابة الا هو آخذ  
 بناصيتها ان ربي على صراط مستقيم و بومقامدندرر كه بعض  
 كل توسيع دائرة رحمت ايتسدرر و لكن حقايق شناس  
 اولياسلرفهم ايتدكلرى مواضعده سبكوت ايتزلر بلكه  
 بي ادبلك واطاله ايدزلر اى مؤمن اكر بومقامى ذوقله  
 ادراك ايلد كسه مائده معرفتدن حصه مند اولدك و لكن  
 سعى ايله كه امر الهى يولنه كیده سك اكر استعدادك  
 وار ايسه و الاججع خلق حقت عباديدرر قال الله تعالى  
 ان كل من فى السموات و الارض الا اتى الرحمن عبدا ولكن  
 هريرى طريق امرده دكلدرر بلكه كيمى فاسقدرر والله

لایمهدی القوم الفاسقین \* و کیمی دخی کافر در \* والله  
 لایمهدی القوم الکافرین \* پس هدایت مطلقه و مقیده بی  
 جمع ایدن انسان کاملدر قال الله تعالی \* ان من یمشی مکراً  
 علی وجهه اهدی ام من یمشی سویاً علی طراط مستقیم \*  
 و او چنجیسی) بود که نقدر مکونات و ارایسه هر بری حقه  
 بری مکنونه طریق اولد بیغی کبی نقدر اخلاق حسنه دخی  
 و ارایسه هر بری حقه بری بولدر زرا وارد اولمشدر که  
 تخلقوا باخلاق الله) وینه کلورده (ان الله ثمانه وستین  
 خلقاً من لقیه بخلق منها مع التوحید دخل الجنة) یعنی  
 الله تعالی نک او چبوز التمش خلق حسنی وارد که بر کیمسه  
 موحد اولوب بو اخلاقدن بریله الله تعالیه ملاقی اوانسه  
 اهل جنت اوله بو اثناده حضرت ابی بکر الصدیق  
 رضی الله عنه سؤال ایدوب بارسول الله بو اخلاقدن بنده  
 پر خلق وارمیدر دیدکده جناب نبوت صلی الله علیه وسلم  
 پیور دیلر که یا ابا بکر بو اخلاقک یا انکر بری دکل بلکه  
 جمله سی سنده موجوددر و بو اخلاقک حق تعالیه احیی  
 سخا دید کلری صفتدر اشته بور دن فهم اولنور که حضرت  
 صدیق جنتک سکر قپوسندن بله دفعه واحده داخل  
 اولسه کر کدر زرا ابواب ثمانیه نک جمله سندن دخوله  
 سبب اولان اعمالی جامع اولمشدر پس هر خلقک جزیله  
 الله تعالیه مهتدیدر و لکن بری برلرینه نسبتله تفاوتلری

وارد در مثلاً سخايله تخلق ایدن ساژدن حقه اقر بدر  
 وكذلك عالم بالله اولنردخی ساژره قیاس اولنمزلر شول  
 وجهنددر که علم صفت شریفه الهیه در و دیمشرددر که  
 یننه و بین لله احسن الاخلاق رضا و تسلیم و یننه و بین الناس  
 حسن الخلق و سخا در فاعلم ذلك فانه من المهمات و  
 (در دنجیسی بودر که کثرت طرق حرف و صنایعه اشارتدر که  
 بونلردن هر بری حقه یولدر و مراتب دخی بویله در  
 سلطنت \* و وزارت \* و فتوی و قضا و تدریس \* و امثالی کبی  
 انکچون بعض کبرا بیور مشرددر اگر ابراهیم بن ادهم بم  
 زمانده اولایدی تختنده ایکن انی ارشاد ایدردم یعنی  
 سلطنت وانک مراتبی اسماء الهیه دائر در که سالک کندی  
 نفسنده معرفت و مشاهده سنه طالب اولدیغی اسمادخی  
 بونلردر پس عین آفاق عین انفسدر ولیکن مرشد کامل  
 اولیجق هدایت خاصه بولمق مشکدر الحاصل صنایع  
 و علومده اختلاف اولدیغی رجندر نتکم حدیثده کلور  
 (اختلاف امتی رحمة كذلك هر بری حقه موصلدر ولیکن  
 جهت ایصال مکاشفدن غیریه مجهول اولغله ماسوی  
 و قاطع الطریقدر دینلور بلکه عین حق و عین طریقدر که  
 تجلیات الهیه دن معدود در پس بونلرک قنقیسی جانبندن  
 حقه توجه بونلورسه وصلت مبسردر قال تعالی ومن  
 حيث خرجت فول وجهک شطر المسجد الحرام \* یعنی

اختلاف جهاتك وحدت مسماده تأثیری یوقدر کعبه کبی  
 جوانب و اطرافدن سالکله مطلب واحد در پس آیت  
 مذکورہ اشارتیلہ ہرنہ صنعتدن و مرتبہ دن و علمدن حقہ  
 خروجہ طالب اولسہ باب و وصولہ دخولی مقرر دردی مکرر  
 چونکہ اشیا مظاہر اسماء در ذکر اولنان صنایع  
 و امثالی دخی اشیا دن و موصل حق اولان  
 دلالاتند در مثلاً ہواء حی اسمنہ مظہر در کہ متحرک در  
 و صومحی اسمنہ مظہر در کہ دفع ہلاک ایدر و علیٰ ہذا  
 پس خباز دخی نافع اسمنہ و خبز قیوم اسمنہ مظہر در  
 زیرا قیوم حیوان رزقلہ در و عطار اہل میراند در کہ  
 تسویہ کفتین و تعدیل عدل اسمنہ دائر در کہ اهدانا  
 الصراط المستقیم دہ اولان استقامت اعتدالیہ اکاناظر در  
 و روایح طیبه سی اولان نسنہ لر اسماء جلالیہ و مر اولان  
 اسماء نافعہ در زبرا (کل مر دواء) دینشد در و مہلاک  
 اولان نسنہ لر اسماء جلالیہ در زہر و امثالی کبی و سلطنت  
 اسم اعظم در و وزارت اسم وکیل و فتوی اسم علیم  
 و تدریس و تعلیم دخی (و علم الاسماء) سریدر و قضا  
 ان ربک یقضی بینہم یوم القیمة \* رمزیدر و اسم مسماہ  
 دالدر اکر اول اسمک صاحبی مبتدی ایسہ و عین مسماہ  
 اکر منتهی ایسہ پس قاضی حقد در و سائر لری دخی  
 اکا کورہ در کہ ارباب معرفت عنیندہ اندہ اصلاً شیک

یوقدر ومؤذن (والله يدعو الى دار السلام) مضمونه  
 تلو یحدر وامام (ان الله يقول على لسان عبده سمع الله لمن  
 حده) مفهومنه اشارت در و شیخ مرشد \* بل الله یزکی  
 من یشا \* فواسنه ایمادر ومشتري و بایع (ان الله اشتری  
 من المؤمنین \* آیتنده معلومدر ایمدی چونکه کند که  
 صاترسن امتان اتمه که شرکدر وحیاتکی قو که اسماء  
 اماناتدر محمد صادق الامین در صلی الله علیه وسلم وورثه اامت  
 انک مظاهر یدر پس خائن اولان مظهر امین اولماز ودکان  
 و خانه سنک وجود کدر که موجد و صانع و خالق و مصور  
 و امثالی اسمانک نتایجی در و اهل هدایت هادی و اهل  
 ضلالت مضل اسمی. دائره سنده در و مدح صفت  
 و ذاته و عین واحده در که ستر حقیقت دید کبری بودر  
 کثرت تعیناتک و جدته ضرری روزنه لردن عکس  
 ضوء شمس کبی که ضوءک تعددی روزنه لردن تعددی  
 حسبیه در و الاشمس کما هی عین واحده و ضوء دخی  
 کما هو ضوء واحد در اشته سکا بر مقدار اشارت که واقع  
 اولدی سنی اجالدن تفصیله ارشاد ایچوندر زیر اشئون  
 الهیه ینه نهایت یوقدر و تجلیات حق حددن ارتقدر  
 و هر سنه یا لطف یوزندن اکر لطیفه مظهر ایسه  
 و یا قهر یوزندن اکر اسم قهاره مظهر ایسه حقه  
 موصلدر زیر احق جامع الاسما در فاعلم ذلك و اعمل حتی

یتسر لک

يتيسر لك الوصول الى الله عز وجل \* وطر يقنا الذي  
 نشرع في شرحه اقرب الطرق الى الله واوضحها  
 وارشد لها \* يعني بزم شول طر يقمز که شرح وپسانه  
 شروع ايد رز يعني شمدنصکره شرح ايتسک کر کدر  
 حقه موصل اولان يوللرک اقر ييدر که ائدن اقرب يول  
 يوقدر بلکه سائر يوللر اکانسبتله کمی قریب وکمی بعیددر  
 واوضح الطرقدر که محجة بیضادر وارشد الطرقدر که  
 اکا سلوک ايدن چب کتمز وجاده دن چقمز وسهولتله  
 منزله واصل اولور \* وذلك لان الطرق مع کثرة عدد ها  
 محصورة في ثلاثة انواع \* يعني اقرب واوضح وارشد  
 اولديغک بياني بودر که طرق حقه کثرت عدد يله بله  
 يعني هرندکلو چوقدر که انفاس خلأئق قدردر بويله ايکن  
 يينه تکلياتی وجنسی اوج نوعه منحصره در که بواوج  
 نوعدن زياده تقسيمه صالح نوع يوقدر \* احدها طريق  
 ارباب المعاملات بکثرة الصوم والصلاة وتلاوة القرآن  
 والحج والجهاد وغيرها من الاعمال الظاهرة \* يعني  
 اول اوج نوع طر يقک اولکبسي معاملات شرعيه اربابنک  
 طريقی در که کثرت صوم وصلاة وتلاوت قرآن وحج  
 وجهاد وبونلرک غيری اعمال ظاهره ايله مقيد اولور  
 تکيم زمان تا بعين وتبع تابعينده بونلر کثرت اوزرينه  
 ایدی کرک حر مينده وکرک شام ومصر و بغداد و بصره

وکوفه و امثالند و بونلرک ارارنده بعضیلری صائم  
 الدهر ایدیلرکه ایام نیددن غیریده افطار ایتمزلر و بعضیلر  
 بتون کیجه بی صلاوة و تلاوت قرآنله احیا ایدرلر و بعضیلر  
 غزایه اشتغال کوستر لر دی عبدالله بن مبارک و امثالی کبی  
 و بعضیلر حجه حر یصلر ایدی اهل بغدادک بعض  
 عابد لری کبی و بومقوله اعمال ظاهره جسده منوط اولغله  
 اعمال ظاهره دیدیلر\* و هو طریق الاخیار فالواصلون  
 بهذا الطريق فی الزمان الطویل اقل من القلیل\*  
 یعنی طریق مذکوره طریق اخیار دیدیلرکه انک سالک لری  
 خیرات و حسنات و اعمال ظاهره صالحه به مشغول لر در  
 پس عامل خیر اولن لر دخی بالنسبه خیر الناس اولور لر  
 انکچون بونلره اخیار دنلدیکه اهل خیر دیمکدر پس  
 بو طریقله زمان طویلده حقه واصل اولن لر اقل قلیلدر  
 یعنی آزدن آزدن زیر طریق زهددر طریق عشق دکلدر  
 انکچون طول زمانه محتاجدر که عاشقک اوج سنه ده  
 قطع ایتدوکی منازلی انلر اوتوز سنه ده قطع ایدر لر  
 مع هذا بودخی هر برینه مبسر اولماز بلکه اکثری یولده  
 قالور و بونلرک اشبهلرندن بریسی فضیل بن عیاض  
 در که مکه ده مجاور ایدی ای مؤمن اشته طول زمانده  
 واصل اولن لر ام سالفه کبی اولور لر که درت بشیوز  
 سنه عبادت ایدوب یای کبی قامت لری بو کیلور و اوق کبی

اینجه لوردی الله تعالی بو امت هر حومه بی بویله طول  
 عمر ایله معمر قلمادی زیرا مقصود مدت قلیله ده دخی حاصل  
 استعداد و مرشد اولیحق پس بکان کبی منحنی اولغه حاجت  
 فالماز \* و ثانیها طریق اصحاب المجاهدات و ال ریاضات  
 فی تبدیل الاخلاق و تزکیة النفس و تصفیه القلب و تجلیة  
 الروح و السعی فیما يتعلق بعلمارة الباطن ) و اول اوج نوع  
 طریقت ایکنجیسی اصحاب مجازات و ریاضات طریق در که  
 تبدیل اخلاق ذمیه ده و نفس لماره بی اندن پاک اتمکده  
 چالشور کبروریا و حسد و عجب و حب مال و حب جاه  
 و امثالی کبی و قلبی نور توحید و حضور مع الله و قطع  
 تعلقاته تصفیه ایدر لر زیرا قلب آینه در که صفوت  
 و صفات قبول ایتد کجه تجلی الهی به مظهر او لماز  
 و تعلقات ماسوادن اکا کدورت و ظلمت و پاس حاصل  
 اولور و دخی معرفت الهیه ایله تجلیه ایدر لر یعنی جلا و بر لر  
 و معرفت الهیه مقبوله اودر که نتیجه تقوی و عمل صالح  
 و سلوک اوله و الا اکا معرفت شیطانیه مر دوده دیر لر  
 زمانه ده اهل مکر و استندراج و مدعیان و فسقه نک  
 معرفت لری کبی که کند یلری خباثت طبیعیه و نفسا نیه ایله  
 متلوث و متجسرا بکن طیب و طهارت دعواسنه دوشمشلر  
 و معرفتدن دم اورمشلر در اشته عمارت باطن ذکر اولنسان  
 و جوهله اولور لاف و کزاف ایله اولماز حتی نیچه ریاضت

کشلر واردر که بش اون کونده بر افطار ایدوب صوم  
 وصال ایدر لر کن یله ینه معارف الهیه نائل اولما مشلردر  
 بلکه انلرک ریاضت لری ریاضات رهبانه دو نمشدر  
 اگرچه بعض ثمرات خارجیه سهر و صمت و عز لتک  
 اولدیغی کبی مثلا بعض مقالات سویلر لر که معانیسندن  
 بی خبرلردر و خوارق عاداتله مبتلی اولورلر بعض مغیباتدن  
 اخبار و هواده طیران و صوده جریان و طی مکان و امثالی کبی  
 و بونلری مقاصد قیاس ایدوب اکوانده بند اولوب  
 قالورلر و کشف ملک و کشف جن و کشف قبور  
 و کشف ضمیر دخی بو بند لرک ایچنده در پس ریاضتک  
 مقبولی اودر که انسانه رقت و صفا و انس بالله ایراث ایلیه  
 و کون اندن ذاهب اوله هر نه اولور سه و اوصاف  
 بشریه دن انی تطهیر ایده و عزت الهیه و سلطنت  
 ربانیه و مقام صمدانی حصوله کله و مجاهده نفسیه  
 دشوار اولان و جهله معامله در و اعمال نفسیه دید کلری  
 صبر و تحمل اذی و ملذوذات نفوسدن قلیله رضا  
 و موجوده قناعت کافی دکل ایسه ده و غیره شکوادن  
 نفسی حبس ایملک و نظائر یدر \* و هو طریق الابرار  
 فالواصلون بهنا الطريق اکثر من ذلك الفریق  
 لكن الوصول بذلك منهم من النوادر \* ذکر اولئان طریقیه  
 طریق ابرار دیر لر زیر ابونلر برت ظاهر و برت باطنی وجوده

کتور مشردر انکچون ابرار دیمکه لایق اولمشلردر  
 پس بو طریقله حقه واصل اولنلر اولکی فریقدن اکثردر  
 اگرچه بونلردن بو طریقله واصل اولنلردخی فی نفس الامر  
 توادر دندر یعنی فریق اوله نسبتله کثرتلری وار ایسه ده  
 ینه کله جک سائرله کوره قلت وندرت اوزرنه در نتکیم  
 امور اضافیه نک شانی بودر که برنسنه مافوقنه کوره  
 قلیل و ماتحتنه کوره کثیردر دینلور حیوان کبی که  
 چاده کوره قلیل وانسانه کوره کثیردر \* کاسال ابو منصور  
 عن ابراهیم الخواص فی ای مقام تروض نفسک \* خواص  
 و اوک تشیدی ایله در بو امت ایچنده ایکی ابراهیم  
 کلشدر که بری ابراهیم بن ادهم ویری ابراهیم  
 بن خواصدر که بادیه ده خضر علیه السلامه ملاقی  
 اولدقده سؤال ایدوب سکا نه سبیدن ملاقات ایتدم  
 دید که حضرت خضر دخی (بیرک امک) دیدی یعنی  
 والده که برک سبیلله قاوشدک پس بونده بر والده نک  
 اعمال خالصه دن اولوب ملاقات اکا بره وسیله اولدیغنه  
 اشارت واردر یعنی نتکیم مشایخ کبار دن ایو منصور  
 ابراهیم خواصدن سؤال ایدوب سن حالانه مقامده  
 نفسکه ریاضت ویررسن و مقامات علیه دن قنقی مقامده  
 تمکین بولغه چالپشورسین دیدی اولدخی \* اروض نفسی  
 فی مقام التوکل منذ ثلاثین سنه \* دیدیکه اوتوز ییلدنیری

یعنی او توز سنه در که مقام تو کلمه نفسیه ریاضت  
 ویریم وانی تصحیح ایتمکه چالبشورم معلوم اوله که توکل  
 توحید افعالک غایتی در رضا توحید صفاتک نهایی  
 اولدیغی کبی و توحید افعال اودر که افعال عبادی فعل  
 حق اولمق اوزره مشاهده ایلیمه زیرا قرآنده کلور  
 فعال لمایرید \* و بو مشاهده قوت بولسه خلقه اعتراض  
 بری قالمز آکر چه دیمشردر که انسان کندی نفسنه  
 فرقله و خلقه جعله نظر ایتمک کر کدر تا که سلامت بوله  
 وجعله نظر دن جبر مطلق لازم کلور شول دکر من  
 طاشلری کبی که صوانی جبر ایله دوندرر ولکن طاش  
 دورانه سبب اولمغله محلیت ملاحظه سبب کسب و اختیار  
 دیرلر بو صورتده جبر متوسط لازم کلور که اهل سننه  
 ذاهب اولمشلردر و بونک فوقنده دخی کلام واردر که  
 اسرار قدردن اولدوغندن بخته رخصت یوقدر \* فقال  
 افیت عمرک یا بطلال فی عمارة الباطن فاین انت من الغناء  
 فی الله \* پس منصور اوراده ابراهیمه خطاب ایدوب  
 دیدیکه ای بطلال عمر یکی عمارت باطنه ده افنایتدک  
 و وقتکی انده کچوردک پس سن قنده سن فنا فی الله مرتبه سنی  
 تحصیلدن یعنی فنا فی الله که شهود حقه استغراق  
 و ظاهر و باطندن بی شعور و انفس و آفاقد بی خبر اولمقدر  
 الزم لوازمندن اولان بودر یوخسه توکل مقامیله تقید